

三十六灣草廬稿

三十六灣草廬稿卷三

三長物齋叢書

寧鄉黃本騏花耘著

張笠漁

敬直

霞川

聿謀

敘五

敬典

邀同周十穉圭

之珣遊岳麓有作

孤雲峩峩青一握觚稜摩蕩蒼山角七十二峯天南來
莽然到此一結束清河昆季中州英餐淥湘波泛湘曲
周郎年少氣亦道願身玉立清於鶴渡江十里桃花風
紅雨灑袖春麗蹶路轉山腰冷翠飛哈呀幽峭樹旌纛
摳衣蹻捷凌天風疾趁高鳥出林末卧蛇仄徑石槎枒
鞞聲帽影高低纒躍身絕頂捫層霄昂頭箕踞坐苔褥

俯瞰潭州烟茫茫千里百里關城綠鬲松屈鐵蚪鱗枯
穹碑插笏龜趺踣四圍屏巘怒猗猗如探婀娜秘書讀
君家宅繞崧高雲聯峯尻厓三十六中條太室紛鉤梯
河嶽英靈鬱清淑嬖媼妍醜詎頡頏隘關一隅天踟促
胡爲拄杖恣盤桓飽飫穠穠吐梁肉走也頗亦癖名山
大江南北騁吟矚騎鯨醉蹋九蓮花黃海雲濤盪胷腹
歸來不耐眠蓬蒿此間違復扃幽獨昨年題句蒼厓巔
墨瀋淋漓影斑駁瞥眼東風一度過浮嵐依舊堆巉巖
抱黃洞口掃寒筠雲麓宮簷漱飛瀑開襟暫契烟霞遊
賞雨他年買茅屋

林醇叔大令 崑瓊雪棧圖

平生游覽不到蜀，往往清夢飛峨眉。劍關雙闕插鳥外，
天梯九坂雲崑崑。雪花六出大如掌，俄鴟風吼銀濤吹。
青城玉壘變崔嵬，白鹽赤岬明厓屨。老樹凍脫夜叉髻，
千仞萬仞峩琉璃。仰見半霄落縞帶，一綫棧道羊腸迴。
吁嗟險怪有如此，使君叱馭英風開青笠。紅衫何卓犖，
側身驢背雙趺飛。珊瑚鞭躍立瓊峯，頂迸落巖石。歛陰雷
是時機槍纏隴首，狼烽紅燭天南陲。硯冰呵草馬卿檄，
霜磨鐵盾駢熊羆。不然黑夜斫妖陣，鵝鴨聲亂殲渠魁。
迺今浮雲掃蝨蠹，鵝溪尺牘彷彿之。展玩冷氣吹毛髮。

夔巫峯影環鶴巒僕從汴京歸湘澧河聲嶽色留黃眉
未似漢嘉老太守與君鞋勒爭騰馳會看鳴騶陪

扈蹕

林時登薦
計將北上

盤鵬雪打天山圍

唐秋濤判官

景熾

雪棧圖

十年前繪此圖昨年來
使興安適經棧道信前

因也

大癡癡絕雲林迂雪峯斧劈環枯株二千九百八十九
棧閣盤蛇踈鳥雲模糊大峩小峩晃敝敲銀花粉絮光
有無使君躍出黔驢背醜顏鶴氅貂襜褕手拗梅花問
春信寒香飛迸紅珊瑚咄哉君家鶩脰湖秋風千里餐
菹鱸胡爲剪破吳淞練蠶叢一線開夔巫乃知前緣有

如此真宰漏洩生納裏去年鞅掌走興安飲馬嘉陵江
心水層巒劈面鬱龍從林梢慘澹蒼煙起金牛峽轉雞
頭關裏斜四百七十里雨雪載塗馳皇華天梯劔闕紛
礮礪十載入畫今來遊醉攀絕磴明雙眸歸來大笑展
圖障恍如羈絆天西頭何當三刀入清夢尋蹤細認鴻
泥齒又蹋冰巖自來去鞭絲帽影追飛猱不然載酒凌
雲頂誰願生識韓荆州

送春

粘天芳草青糝地揚花白流鶯百囀中春風忽如客至
德湛無私養我中田麥成功決然去萬物欣俱得攜來

酒一觥聊與酹行色

寄唐五竟海

離思慙慙如筒車輓輓墨翎翻飛鴉千轉萬轉輻軸脫
鳴珠噴沫風呀呀邇年潤跡寄城市一厖破屋巢圓蝸
埋獄夜嘯龍津劒登場朝摻漁陽拋乞食詩章乞米帖
蛛塵罥篋堆紛拏老母強顏自慰藉稚子呱呱聲啞啞
默然拱立癡無語心頭萬箭攢補數日取長紳裹枵腹
饑蟲嚼喉涎流牙偶倚齊門羞濫吹何曾幕府開蓮花
青燈豆爆緡蟬帙疑敲力闢豪釐差隔靴搔癢笑何補
難覓長爪麻姑爬安得凌風到吳會飽聽玉屑流滂葩

知君侍養姑蘇館，凝香清晝聞傳荷。金閨楊柳繞亭綠，
花廳錦絡騰春華。往往得句肖天秀，吳僮坐誇千浮蠅。
遠錫百朋緘，雙鯉有如墮海躋。浮楂我輩相許在，肺腑
慙愧寧惟口角誇。短幅匪云瑠瑤報，目注江樹紛煙霞。

夜過北城精舍

背郭開精舍，疎排八面櫺。峯分雙筍綠，石養一拳青。宿
樹雲依榻，陪花月到亭。鐘魚傳梵唄，俗耳洗泠泠。

讀書偶然作

牖底摩挲一寸陰，千秋經濟重儒林。詩書養盡蒼生
命，雷雨藏歸學者心。驚座風迴捫蝨計，顧廬雲起卧龍吟。

三十一
聖朝久下求賢詔抱膝何人自負深

信陵

魏轡色愈和觀駭夷門市市屠賣漿家乃得天下士謙
尊而志貴下交先忘恥義憤約車騎赴徇邯鄲死兵符
竊如姬鐵椎殺晉鄙存趙卽存魏寧私平原姊駢車搗
函關奮然英風起六雄殘魚肉慨慨賴有此特筆太史
公褒之曰公子

平原

賓客數千人不知有毛遂可惜美人頭謝此槃跚輩接
劍焚王驚進奉銅盤跪回頭笑錄錄因人以成事危哉

邯鄲圍遠援魏無忌敢死却秦軍愧殺傳舍吏

淮陰二首

帶劍中情怯英雄胯下來蒯生知背貫漂母亦心哀落
日淮陰市愁雲大將臺如何王請假躡足起疑猜
吾亦欲東耳王言史筆爾陳豨成密語呂雉太陰謀我
固當烹狗人惟笑沐猴豈知能將將雲夢僞來遊

問侯

帝師經濟忍風塵進履橋邊跪老人大計誰知燒此棧
兵書天不火於秦一椎擊起英雄膽四皓招扶太子身
老去拂衣從辟穀智謀冠絕漢廷臣

曲逆

糠覈食而肥美好如冠玉使平宰天下亦當如是肉雲
龍起碣山奇計凡出六居鄒奇計人玩弄在掌握智哉
馳宮門奏事喪前哭飲醇近婦女臨光沮讒蕭陵勃俱
不如陰謀誅產祿犯禁多陰禍謀國焉謀族吁嗟好讀
書書固須善讀

山寺納涼

佛地淨無暑蕭閒脫素襟背花醫熱眼就樹養清心似
對冰壺朗寧嫌火繖臨風鑪烹綠雪一榻篆煙沉

張大笠漁家藏沈石田畫八幅共爲一軸錄其詠

跋於左或題或和以志賞心

昔在天全徐先生處觀大癡富春山圖神想卧

遊其間彷彿點染聊存萬一沈周

此幅曾與登翠環繞釣臺

七里瀨盤旋如帶隱現山光樹影間令我坐懷吳越歸舟時烟嵐如在眼底也

當年弭棹富春渚灘聲七里挾飛雨青巒插戟天半開

中有巖陵之釣臺咄咄清名滿天地高風在昔誰能儕

詩人語寤畫史笑粉墨脫紙烟雲飛吾家一峯久不作

範水模山想磅礴白石仙翁筆力殊臨撫紙背精光躍

嵐浮大澤影模糊一線寒流繞山脚蒼然漢樹枯無枝

巖陰秀鬚露村閣吁嗟子陵去千載此圖又經三百秋

神完駭走蝨灰絲猶認垂釣披羊裘萍蹤過眼未攀躋
夢魂長被松楸爾當軒湧現真面目如鼓越柵來重遊
看雨春山中晴日未可及巒華與嶺秀濯濯翠

流汁水墨間卷畫屏風四圍立雜花逗餘紅雅

興松共濕低雲滿山戶似愛幽者入我初作靜

觀併喜

缺一字

靜習紛紛治遊子此景不可給有

詩在此境佳句待人拾詩腸倘乾燥亦許借潤

浥持之報楊子正可事笠屐雨中看山寄楊儀

部沈周

此幅小山一疊春樹幾株枯樹幾株樹中茅屋半露對峙懸厓一角淡染粗塗

寥寥數筆便

有天然之趣

層山湧筆頭未湧眼先及疎疎劈大斧半是水墨汁生
添樹幾株倔強離紙立蒼然吹春來綠灑巾袍濕草屋
闌無人讓與雲出入知翁辯此山畫此亦結習詩酒翁
周旋煙雨山供給腕力迴千鈞如弦鉤決拾翻嫌江上
峯青影少潤渴欲買囊無錢坐蠟平生屐

微黃冉冉柳生姿數日春晴陡有私新水一陂

他自暖跳魚何故却先知沈周

此幅潁水新柳
兩株一側挺一

暎生中夾雜樹一株叢竹
生柳根下對岸遠山幾疊

長條踈浪裊春姿癡絕垂楊綠私自逼肖東坡詩裏畫
春江水暖鴨先知

雲壑風泉處處宜詩囊酒榼大家嬉人來人往
春無主日短日長天有時墮腐園林看蠟競插

花山轎看蜂隨野僧未識登臨樂靜自關門笑

客癡右春山暮行沈周

此幅雨崖對關中開小
坪二人對飲其上撐罽

錯列坪旁有泉涓涓環流右
崖頭老樹數株山寺露

如此邱壑畫中宜此翁此畫如兒嬉令人長得飽春色
想我亦曾遊昔時翠落酒盃絕不方吹崖磬與之隨
老樹無影山無墨半倪雲林半大癡

半抱春寒薄染煙一梢斜露曲墻邊東家小女

貪粧畏聽買新花破曉眠沈周

此幅桃花五六
株雜樹二三株

中露小閣閣中有榻榻上有書對榻有小坐統
閣有閣閣內花底二人立語關外萬竿烟竹叢
生小洲洲旁
半路一艇

午夜桃花笑綠煙短闌斜界綺寮邊春風記得天台夢
醉抱紅雲十載眠

崎嶇嶮路復平路受用茶杯與酒杯無窮俗事

且一至如此好山須再來隔屋芙蓉清作供繞

牆薜荔亂雲疑成堆老僧好詩復好畫題詩石

壁煙雲開右過一雲沈周此幅斧劈懸厓厓下
春樹幾株一人手指

崖壁一人曳杖來觀崖右一疊
小山幾株春樹樹中露屋兩椽

芒鞋踏破層雲背峯影依稀墮酒杯夢裏青蒼紛湧出

眼前溪壑逆飛來，墨淋壞壁苔千尺。
樹露欹簷草幾堆，我讀題詩選讀畫。
寒煙慘澹楚江開。

春日春城未得還，笑談因在酒杯間。
野人半夜

思農事自起，吹燈寫故山。
沈周

此幅石臺高聳，臺下壘石環流。

春樹入九株蟠根石上，石脚陡立江濱，旁泊小舟，舟頭一人獨坐對江青障，插天樹影蒼翠中。小橋橫跨，飛流笏注入江心，宛如燕子磯風景。

烏篷儼向此中還，江北江南落幘間。
飛跨磯頭梯燕子，天邊一髮認青山。

喧市紛聒耳，幽尋達城陰。
誰料此城中，其境自山林。
僧寮做小精，雅據西水潄。
清流可俯掬，鬢

肩亦堪臨返照在東壁水影浮虛金人物相映
瑩寂靜宜道心散木列左右上下鳴春禽疎林
不蔽麝纍纍見遙岑游賞莫禁客酒茗喜相尋

借問長來轍記壁會誰吟筆硯我所事可以開

煩襟右夏日過北寺小叙水閣沈周

此幅二山平列綠樹

陰澗村屋數椽沿山夾樹而起山連忽斷橫支
短約一人策杖來過橋側懸厓陡起絕頭一茅
屋環以老樹遠山一髮雲影漾
潦隱露城齒森列鳳闕雙飛

城頭闕雙闕靄靄浮雲陰達人豁天眼城市皆山林紅
霞界泉峽綠樹眠烟潯中橫短木杓扶杖時一臨蚩蚩
塵鞅客貂敝走黃金焚琴煮仙鶴何人知我心此意偶

漏瀆語之於鳴禽回頭瞰飛翠茅亭冠危岑老僧頗亦
嶺招提言相尋半寸墨花乾誰能來續吟繪補蒼蘚壁
長嘯風生襟

沛然行

連朝暑氣不可當熾熾坐甑如中酒沛然雨師飛鞋來
鞭笞火龍曳尾走如布清惠來賢宰慘毒胥吏恇縮手
如導沴滯來良醫燥灼豎子嚇囚首急洗汗穢蕭衣冠
焚香默謝頭九叩要知此夜滿城人仰天叫快均一口
我願九夏長如此雨若暘若無猜耦時清

聖人坐明堂尙德緩刑培忠厚

野望

江堤夜雨洗塵沙，曉霽新開野望賒。
地有秋風培麥秀，天留春意養榴花。
藏林屋露青鸞瓦，近水隣通白鷺家。
此處倘容假棲息，釣篷魚稅飽生涯。

尊

一匙羊酪敵江東，錦帶銅釵臭味同。
千里相思生綠水，五湖無夢飽秋風。
探珠欲割龍髯紫，摘露如烹鴨腳紅。
笑引吳僮歸計決，鱸魚尺半飯烏篷。

杜鵑

午夜離愁落酒卮，杜鵑聲裏聖先知。
雲遙棧閣魂千里。

月黑叢林血滿枝，關驛行人家在夢河橋。立馬鬢如絲，欲歸無計頻回首。慘澹天涯入聽時。

贈張笠漁

彩筆豪情買綠鬟，翩翩天上謫仙班。眉橫俠氣譚長劍，胷養春風畫遠山。廿載夢留嵩嶽頂，一船家住洞庭間。疎才愧濶芙蓉幕，合有西銘訂我頑。

徐芝厓司馬

維麟

菽蘭圖

我亦楚狂人，吟髭沁蘭芷。鼓柁汨羅江，魚腹呼屈子。芳草思美人，女蘿泣山鬼。滋彼九畹花，一縷魂未死。露涼月在天，香風滿沅澧。而君秀吳門，清芬與之似。芟製夫

容裳紉佩秋紫紫飲酒讀離騷風流真名士繞坐幽巖
來飛飛灌寒髓科頭嘯盤陀巖竇綠茵茵到門裏衣香
索我題此紙與以同心言盟之瀟湘水

望衡

奕兀翔雲出船頭坐望衡萬峯分秀色一柱鎮炎精地
湧閩荆楚天低剡雨晴瞥驚烟翠起塢影露孤城

衡山縣

墨花飛動影巉巖洗筆高題碧蘚巖拱嶽峯巒低萬笏
圍城波浪插千帆蕪纏塢頂寒烟合樹隱樓簷落日銜
頭上忽看雲片黑江風吹雨濕青衫

望衡

不盡青蒼影高高渺莫攀維南天有柱此外楚無山雲
氣峯峯幻湘流面面環刺船來水宿飛夢越屏顏

五月四日江干卽目

繫纜漁樁倚石根江干漠漠野雲昏榜家風信占天黑
網戶生涯驗水渾芳草半灣藏短杓榴花一樹繞孤村
來朝競渡船先試宛駕飛龍迓屈原

是日彩船游湖
江心名試渡

午日舟中四首

泯泯湘流一鑑開蒲風艾雨隔江催棟筒角黍妨蛟食
酌駕龍船鼓諫來

畫鼓聲寒儼降神
金支翠羽十分新
吾鄉信鬼從來慣
此事荒唐尙快人

競渡聲停酒數巡
老拳喧鬪滿江濱
三閭醒眼沉魚腹
看爾千秋醉裏人

吹暑南風狡獪生
掀天波浪大江橫
至今莫白冤纍恨
忠憤何堪易暴名

是日大風舟
子呼屈原暴

野泊

野泊依荒岸
開篷露氣侵
片雲穿嶺背
孤月印潭心
燈影遙臨水
人聲半出林
不眠忘夜永
涼意滿衣襟

浮萍

浮萍寄天地江海無定根隨風偶漂泊而與溝水親少年盛意氣慷慨驅飈塵鳴鑣長楸道振袂銅駝門雄劍秋宵動顧盼凌青雲長揖諸侯幕言論屈座人讒媒動見嫉幡然歸故園鍵戶晦文翰聲華銷賤貧驂駟絨棧櫪鴟鶴巢荆榛虞卿北去趙季子西困秦古人蹈高轍豈不適凡倫泥塗未虎嘯砭璞疇能分

赴攸縣

寄身烟水狎鷗盟盡日湖山管送迎一陣黃梅新雨過風吹帆影到梅城

昭陵灘

孤艇投棹去，颼颼掠耳風。鳴灘千石怒，鬪水一帆雄。
生死關俱判，榮枯念早空。臨深無孝子，愧我逐飄蓬。

攸江夜眺

野翠傳風落，石砒蟾鉤挂。樹影幢幢梅，城賣酒人歸去。
船載紅燈夜過江。

茉莉花

銀絲串串玉森森，月影昏黃雪影沉。夜半夢回雲墮枕，
一枝香沁美人心。

攸縣官廨後小亭偕同人招涼

徑僻芟榛芴，園荒滌蕪葳。翼然敞孤亭，綠陰繚以靄。夕

霽澄新涼招邀結小隊一笑裸跣跌禮豈爲吾輩細睇
天無雲蒼壁湛磨類兩腋清風來溽暑竦而退佐以荷
筒飲寒泉灑吟背繞檻泮浮池波紋爛塗續螢燄攪星
飛人聲亂蛙吠坐久漏已闌簷花滴沈澀倦穿叢林歸
月影墮衣碎

憶家三首

想得慈幃淚霑衣又幾時一燈聽夜雨萬念到癡兒定
省貧逾缺艱難老更支白雲瞻望處此罪寸心知

弱冠吾家虎虎癡論癡文夜對牀離心驚兩月旅夢咽三湘

有約趨蓮幕何時到桂陽雁鴻無一字吟望立蒼茫

點石終無術蕭然豈救貧半齡憐幼子入口累家人我
已羞齊吹誰能指魯園埋頭書一卷聊與共艱辛

夜坐

祈盡天邊樹扶將落月回冷風捎耳過涼意盪心開花
影紅粘袖螢光綠墮杯一聲孤鶴唳如嘯阮公臺

舟臥

舟臥江雲黑迷茫萬頃秋關山圍旅夢風浪碎吟愁來
此甚無賴於人何所謀披衣頻起坐月影漏中流

宿草市

風逼孤帆落荒荒泊野濱啼林山有鬼攪浪石如人簸

蕩心情練饑寒學味醇何須占履險燕苴燭嶙峋

舟中觀山

破天青到水船外數峯尖石齒開雲竇松梢挂瀑簾風
生樵子斧花亂野人檐坐覺前山暝蒼然靄翠添

贈胡滄門

大觀

別君三泖九峯間一笑相逢鬢髮斑城繞梅花詩滿屋
五年歸夢老青山

秋夜對月

傳鼓遙聞散晚禱莎廳涼露影鬢添無多詩債酬明月
未了秋心護桂花巢鳳琴材焦爨下躍龍劍氣嘯天涯

西風獵獵衣裳冷作賦蘭成又憶家

癸亥九日胡滄門偕其伯兄起三學博招同張笠
漁霞川敘五登靈龜峯小飲次滄門韻三首

聯袂蕭蕭蹋上方天無風雨攬重陽雲粘屐齒苔痕紫
酒漉巾頭菊影黃東道故人來二陸西園公子又三張
定知彩筆描蛾手粉稿臨摹視紙霜

笠漁擬將此
遊繪成小幅

湖海歸來兩鬢秋布衣仍自做通侯鸞山綠黛闔詩社
鶴市紅裳夢酒樓獺鬼萸囊畱左臂驚人糕字在前頭
君家教授尤蕭澹指頰峯顛倒百甌

起三觴
政尤豪

層樓孤湧倚天關滌盪塵衫尺五攀繞檻寒烟團絳樹

懸簷落日射銅環
林巒笏笏青千朶
竹屋鱗鱗綠一灣
吹帽風來齊仰笑
靈龜峯影似龍山

書陸雲士圓圖傳後

醉脫征袍夜讌開
馬馱紅粉踏香埃
君王已死姬人在
怒出關門乞救來

醉後書

薄醉渾如悶挑燈
落燼紅吟心生夜雨
秋骨鍊西風笑
作巢檐雀驚聽出塞鴻
天涯雙眼白浩蕩
幾人同

讌賞木芙蓉次韻畲羅梧邨

萬選

懶把青芙蓉雲海躡
盧羨來看河陽花
西風紅一院萬

木冷寒煙奇貨秋光銜蓋簪招朋僚投轄敲花讌酒令
翻藏花畔牙嘲謔徧一呼花影飛珊瑚墮缸面愛爾江
東生黃氣眉間見訝帽想英年人鏡影歡忭天葩燦銀
鉤墨灑紅絲硯欲和怯腸枯未寫愁腕倦拈鬢坐花陰
花態逞萬變臨風笑嫣然烟若投壺電

友人采芝圖

天風吹翠落巖石唵呀萬竅森秋壁雲氣橫纏練帶飛
一縷寒泉破叢碧陂陔坐嘯者誰子手把瓊芝脫帽蓆
香搖三秀颺鬢眉駢跗影炫珊瑚赤我曾夢蹋商山巔
欲折仙萼吸仙液綺黃化鶴草無根林洞蒼嵐澹行迹

巖陰何處滋萌芽一莖却讓君先摘披圖半日雙眼障
便思掉臂隨君行長鏡長鏡白木柄攜去松邊掘茯苓

張竹泉刺史

範

逸食蟹席上作

鈎簾秋影沉瀟湘江湖清夢生花堂朝餐嚶口厭鮭菜
筠筐幾輩漣含黃尖老黑甲毛絲蜜釀團臍擘紅玉
刺史風流今畢卓右手持盃左手捉云此風味非尋常
不數侯鯖公膳焉馬長卿夢蠻蚶嘲沈昭略嗜蛤蜊肉
我持犀筋搏糖糟陡憶鰲門錢塘湖水精樓閣蛟噴雨
蛟山熈扇飛岩崑雲間二沈有痴癖潮頭華綺紛城壕
絳螭雙枝爛彩幕鸚哥背燕紅蒲錦錦衫灘血羹我舌

膨臍腹漲如懸匏共誚爾雅讀未熟渡江來此安賢豪
吁嗟往事復何有風燈五年難回首公言且覆眼前盃
浮雲遮莫變蒼狗堆盤大張酒人軍老夫一石子一斗
蟹乎蟹乎汝無腸我亦無腸能貯酒

送張十一霞川歸中州

低簷寒雨漏雲脚梅城白浪高於閣悄然聞君趨急裝
令我突作十日惡君言久客倦風塵定省兩載疎晨昏
椒盤正及獻新歲斑斕隊舞添歸人吁嗟君作湖湘客
買帆欲歸歸便得黃童生長家湖湘翻如逆旅蒼黃色
備春乞米伯通橋牽船乏水張融宅是日祖帳紛聯翩

霜螿香澣梅花筵窮愁笑我囊無錢不餞酒杯餞片言
文章濟世我輩事萬卷未破猶蹄筌體明用達致身早
要令白髮歡心顏詩成自覺墨飛舞緘君行滕好藏弄
瑤琴天末倘相思開詩見我我應語

題劉芑汀懷人絕句後

歲莫懷人四十首才流傾寫入詩囊笑他鮑老邯鄲舞
務面花奴也出場

懷余句云談詩不畏時
流忌古調猶兩漢魏音

題梅翁小照

攤書畫卧腰腳疲吳生扣門來索詩展開一軸吳綾障
堂均蕭颯涼颯吹絲簃陰森綠墮地火繖燔穹午不知

清溪灣迴支短約繞澄半股流泉飛就中一翁科頭坐
肩披窄袂手蒲葵悅懽鬢眉湖海氣神完真却千熊羆
得非鋤榮藏邱壑消磨經濟和天倪漁竿煙月盟鷗鷺
杯杓風流揖阮嵇吳生笑言君不識此翁自負非凡才
壯歲挾策走秦晉汾雲棧樹環輪蹶廓落老大百無用
拂衣長嘯歌歸來我聞此言重回首我亦雪爪鬣鴻泥
蕭蕭短劍風煙晚珊瑚鞭珠絡吳雲西要瞰滄海扶桑日
錢塘夜半聽潮雞邇今倦遊臥三載未得如翁林泉棲
何當買田到陽羨簞管涵雨圍松籬

調張公子

門掩雙扉六枳籬
桃花前度繫相思
由來天下癡情者
多在春風半面時

題小青傳後

一枝梅影落粧樓
畫裏啼痕鏡裏愁
情字從來難劈破
小青真箇死風流

壽張竹泉刺史百韻

崑高鍾傑彥河洛吐精英
颺系縣京兆桑隣湖步兵
星躔聯翼軫仙秩炳璇衡
苞采威翔鳳隴階瑞舞鸚鵡
勲書廿載聰影躍雙旌
琴鶴清貧慣冠貂畫錦明
一船官

楚水奕葉詠江蘅
珪組牀前笏幢幃
夢裏軒刺史三州
宦湘中太

父艾齋先生堯於善化宰
署時人夢幢幃迎城隍云
膏流郇伯黍菜種武侯菁
竟踵鳧飛蹟先工馬步行
此邦真有福當世以爲榮
憶昔人如桂由來樹是瓊
珊瑚枝紅七尺瑤草絲三
莖慧悟吞羅烏豪才賦瀾
鸚花開匪筆瓮芸護讀書
棚豈獨詞章富還兼翰墨
精臨池摹米蔡染黛鞦關
荆棘院秋風闌槐宮夜雨
傾縹囊裁典誥琅韻戛韶
韻絳袖蟾攀樹藍袍鹿宴
萃籥雲初得意梯月最關
情金埕思題雁瑀林符聽
鶯公孫同射策學士木登
瀛迺爲親懷檄因之志請
纓帆移湘岸竹釣卜涓濱
璜特縮鄴湖篆頻紆小戶
征奉璋髦士選勒帛醉翁
評皎皎冰懸鑑哉哉藻薦
貴

材惟翹杞梓植詎棄蕉栴軋萬頹風振不休偽體清參
苓歸藥籠桃李徧門閤保障飛符去都梁疊岫呈政繁
遺小誤履險矢艱貞請

命趨丹陛街

恩出紫京芷江芳醮馮沅水浪璇琤環威羊隣在錢文
鸞夢成辰逢申甫降寤記武姜驚百里臨初地三生踐
夙盟太翁退菴先生莘芷江刺史
生於署中今刺史鍾來任此新題標繡壤換節泣

銀紈洞壑司空岳山川宋令彭壺心知貯玉燈影似籠

晶惠及童馴雉寬容婢污羹仇香鸞羶駮龐統驥趨趙

報最銘蒼璧酬庸錫白珩街頭加刺史碑日頌編民涉

灑蘭圍澤夸州翠列營於時叢莽菁遙夜警機槍哨聚
潛奸沸訛言走校偵蓮花跳鬼域蓬藜竄鼯鼯磔蝟牙
鋌淬饑鴟箭鏃鳴蠻氛森齷齪墨瘴鬪豸獰倉卒丁難
募孤危臂獨撐掀鬣神颯爽張膽智崢嶸虎穴單車搗
蜂屯露刃睜投戈齊感泣免宵爲開誠妙算攻心戰祥
刑省面黥裔從憐附蟻首惡勦渠鯨安堵巢完卵歸塗
緇負縹降吳曹武惠難蜀馬長卿禮州屬永定連匪竊發空城無一兵卒利
史卑騎赴賊巢穴誠心開諭黨眾感泣擒其渠魁九人餘悉宥釋得全活者凡二百餘人况值颯馳
會而當絡繹程熊咆竽鎮嶮站武溪灤烈火軍旗捲
殷雷陣鼓轟貔貅煙擁籠鷺鶴雪連營冰硯宵磨盾丸

泥巨擊鉦椎牛千帳幃魚鱉五侯鯖辦可供噉咄紛於
速律令轉輸需大帥擘畫賴先生

時苗疆軍需勞午禮當其衝刺史持籌擘

畫悉中機宜

誕德孚來格颺休咎載賡勞謙功不伐冊賞願從輕巖
崗褻朱憶渠陽繞碧泓先徽曾駐轍舊感漫題楹濟美

剛週甲逢年恰守庚至今誇盛事所治益廉平

太翁退菴先生

以乾隆庚申判靖州刺史以嘉慶庚申刺靖州有感舊詩紀其事

抱撲求勾漏甌陽號

率更重臨仍草縣借署又梅城陌覆甘棠蔭陸垂瑞麥
稷扶藜鮑叟望跨篠鬚兒迎屣綬霞紋匝鵬弧霧彩揮

哄騶勤課績買犢快催耕簾閣朝芬藹莎廳曉絲萌威

稜消案牘和氣減咎勞做讌投簪盍招賢潔鼎烹學真
優則仕道必坦而亨繞膝三株秀循陔五綵頰泮芹爭
筵羽欄荷暫蜚聲燕翼詒謀遠龍頭局量宏更聞誇仲
子亦不讓難兄珮應台郎宿碑分築苑晴蔚然占豹變
季也得彪名顧我徒餽口蒙公特轉睛滋培噓朽櫟薰
沐席香蕙是日籙添壽當筵海獻禎梅簷寒破粉葭瑄
冷煎飴赤薤玻瓈篋黃芝琥珀罌琳臺欣鏤笈緱嶺嘯
吹笙真率衣影紵婆娑帽絡瓔

絲綸褒卓茂驂轡御侯羸洛社圖須繪香山句倍鏗掾
觚慙草草雕楮笑經經跣蹈搗蠶管希耕滌兒觥

本草綱目卷之六

六

六
卷之六
本草綱目

三十六灣草廬稿卷四

寧鄉

黃李駁花

俠客行

血花瀉虬鬚蕭蕭劍光怒不唱易水歌不拜要離墓走
馬主人門問主讐人住何處夜月在天陰風在樹莽然
出戶莽然入戶擲頭主前眼光如炬壽之千黃金仰天
大笑揮鞭去

美女篇

美女良家子眇眇非塵寰可望不可即來遲何珊珊頭
上蹙孔雀我我烏雲鬢耳後垂珠絡瓏瓏明月環頰潤

紅蓉萼指削青蔥根萬方昭儀態矯若鶩鴻翻南山生
靡蕪北山生榛膏堅韞蒲葦絲可以喻幽閑毋爲閉金
屋恨恨凋韶顏

別離曲

蒲生秋塘上托水以爲根君子逝云邁慘若飄泊人芬
芳抱衾稠婉變懷餘恩昨宵鴛與鴛今宵胡與秦安得
雙羽翼趨君雙車輪

家十六世父眼窺天奧心洞元胎飄飄有霞舉之
思中年棄諸生自號青崖道人騏遊武陵寄以
詩云武陵風景自長春未得浮家一問津願備

馮灣桃浪力桑麻雞犬識秦人次韻二首

扁舟滿載武陵春洞口何須去問津種就元都桃萬樹
道人原是中人

桑麻雞犬舊時春鎮日尋春到此津逢着桃花開眼笑
神仙真箇世間人

自嘲

三日風四日雨誰家文章鍋裏煮俗寒不可衣饑不可
如此事何與卿甘苦敲牙籌插銅鼓笑殺人山東虜

觀梅

破荒寒不受絕愛屋邊梅雪後一株古花先天下開儘

容人對詠亦有鶴飛來相契得真意孤香遞酒盃

雪

靜室暗聞響蕭蕭蒼樹端火銷燈力弱冰透硯心乾
斷酒客長臥多衣人亦寒放歌出金石凍餒一身寬

又二首

凍雲鍊寒水灑空全是花此時天下冷大抵似吾家
險徑平無迹寥寥天地寬寄言行路客着脚十分難

對菊次韻龔鄧蘭坡先生

枝麟

久捩僻寂抱孤芳稱意籬東照眼黃滿地西風招客隱
幾枝傲節破秋荒天涯莽蕩搔吟鬢塵事消磨入酒腸

搖落莫裁門外柳，閉關一枕晚來香。

唐五竟海自胸海歸，卽有臨湘司鐸之行，以詩索

和次韻三首

便是文章吏，君無負此官。瓊分半榻冷，牕破十年寒。湘水歸吟榜，胸峯倦旅鞍。行勝書萬卷，依舊秀才酸。

白眼看同輩，人人捉入官。椎胸成嘯傲，鍊骨敵饑寒。賒月酒，千施蹋春花。二鞍龕狂君，莫笑面目洗迂酸。

笑走河陽幕，榮於選一官。相思生舊雨，別意忍春寒。折柳車前笛，尋梅雪後鞍。吟酣鹽着水，淡處得鹹酸。

蘭竹圖爲友人題四首

會服媚之如是最瀟灑有此君問屈大夫秋水招湘夫人綠雲

生谷不以無人到門何須問主煙雨千竿萬竿香風一縷半縷

米元章拜石丈林和靖娶梅妻一樣清風清福此髯寫入赫蹏

焚香讀種魚經丸墨揚來禽帖香祖得證同心綠卿乃標奇節

題唐竟海萬卷書屋圖且以誌別

男兒不讀書百爲無一可佔畢吟秋蟲所見亦卑瑣徑

須訪名山磴屨走塵堞識字魯靈光搽文漢馭夢洞窺
謨觴窺靈闢瑯嬛鑠不然埽一室麟櫛森墻塚蕪糠十
年讀翦燈五夜坐之子滄海歸書滿米家舸駭我一幘
圖萬卷兩字大急檢入巾箱橫江鯨浪簸昨宵風雨巖
恐有蛟龍邏曾聞東海洋徐市逃秦甌料理童男女詩
書想包裹其時百家言未盡咸陽火世間難見書此中
定然夥子儻載之來一瓶先借我掉頭莞爾笑謂余言
大左家公海門牧清風海內播得俸便買書連屋堆磊
柯式穀一心傳析薪兩肩荷語罷眉稜飛我亦振燐情
父書讀未熟三十困坎壈願跳又圖中解衣槃礴羸錦

贖緡璘珣細籤影旂旒快意屠門肉大嚼願雙朶如渴
鼠飲河如饑猱饒果子胡別我去又換湘江柁讀書良
至佳爲官要作麼終期訂從游鈔撮僕尙頗隱几互校
讐清吟嘲飯顛

夜夢亡師周定軒先生錫齡書示二語云詞章塵

世無知已經藝蓬萊重此人瞿然驚覺灑淚挑

燈續成一律

附記

癸亥春騏館張竹泉刺史署中夜夢步過荒墟
旁一人指云此豐先生墓也淒然感賦云孤村
冷雨夜黃昏零落邱山片石存一綫蕭蕭白楊

路羊曇哭過西州門醒後書記冊上不知豐爲
何人閱一年甲子六月而我先生以疾終今來
夢示二語恍然悟前詩之夢卽爲先生歿讖也
蓋豐薨字方音不分羊曇一語顯徵之矣先生
績學能文章捐館前一二日口誦平生所讀書
日夜不歇彌留之際兩手猶作緝書狀嗚呼可
哀也已憶壬子癸丑間先生偶爲扶鸞戲有降
筆稱月宮仙子吳翠英者自言與先生前生爲
伉儷詩詞書翰贈答甚多猶記其一詩云三生
石上舊鸞儔記否牛衣泣晚秋一段仙雲分兩

界何時把臂廣寒遊後年餘遣其婢雲鬟來云
一紀後當與君重會今計先生卒年與所約之
期恰相脗合然則蓬萊一語或非虛也前後兩
夢何徵示之親切耶時嘉慶乙丑正月二十六

日

修文天上證前因夢裏師門意氣親三篋消沉千白戰
先生辛酉落解詩有文章我自備三篋白戰千回氣不降之句卅年潦倒一青巾詞章
塵世無知已經藝蓬萊重此人兩語細吟真酷肖挑燈
續韻倍傷神

嬾春詞四十首

有引

坐臥長沙郡齋春意薰人悶懷如酒成詠卽書
不遑詮次因拈嬾春二字括之

畫竿旂旗颭曉寒書生投刺拂塵冠一囊鶴料分堂俸
新署頭銜作府端

錦裯醉吐相公車狂徧江湖懶作大家可笑青衫凋敝
甚依然彩帳臥蓉花

泥人春緒太無膠淚濺銅荷絳蠟燒白翦鵝毛紅畫鴨
賣燈風裏唱元宵

塗黃廳事畫懸魚鎮日風清坐嘯餘聞道孔融官北海
憐才先草薦衡書

殘夢難尋舊板橋
天涯雲散馬蕭蕭
東風昨夜吹春去
綠到垂楊第幾條

皇攬撥余記梓潼
文章應戴斗魁雄
如何坐對箕張口

磨竭終年照命宮

余於二月三日初度世
以此日爲文昌誕辰

駒光狡獪等風馳
烟月消磨百首詩
二十八年塵小劫

今朝重學倒絢兒

孤負如椽筆不凡
描人口角語喃喃
公然賽譽朱齡石

花押銀鈎五十函

護花天氣讌花時
黃嬾書堆睡起遲
牕外樹分春幾許

綠痕攢破半枯枝

牆角樓臺護絳紗清歌夜月譜紅牙清魂怕唱兜鞋曲
勾我春愁入杏花

衣冠世態演春燈蒼鶻叅軍帶笑登氍帽紅襦銀鞵鞞

分明一隊醉鬪騰

醉鬪騰宋
樂部曲名

京兆風流絕世塵畫眉彩筆寫陽春因何自號頭陀鐵

笑折蓮花拜美人

張登漁自號鐵意
頭陀近聞納姬

胸海歸來起急裝冷官偏似熱官忙湘春門外春如水

送我離愁到岳陽

送竟海之
官臨相

海棠橋畔醉春回淮海清才亦艷才五字月明空外響

禪心鬼語被荒來

秦百二題余集有
月明空外響之句

劉生慷慨賦飄歌
瓊瑤埋頭我奈何
九曲風濤帆一葉

夢隨君去渡黃河

送劉芑行
計備北上

桃源洞口記歸船
評點新吟庶下篇
艷殺菜花紅豆子

昭潭女史戴衣仙

女仙女史名珉
湘潭梁季修少府之
室若有無下吟集
中菜花紅豆諸什

爲時傳誦余適武
陵時攜其集去最
賞其咏史五十首
不類閩閩語又烟
江坐空濶星火望
溟濛一首神近少

陵

樂府登場唱六如
湘州壇坫冷蕭疎
露桃花底焚香讀

南漢宮詞蠶尾書

六如亭院本張紫
峴先生所填樂府
也身後若作盈箱
尙未刊行余篋中

存其親書南漢
宮詞上六章

迴鴈峯巖策杖遊
坡翁白髮耐清愁
紅荃薺落香雲嬾

鈔寫人間作應酬

鄧蘭坡先生現遊衡山聞所著紅荃懶雲諸集今併合爲應酬雜稿

印公杯渡語彌天光透毗羅頂上圓莫笑豐干太饒舌

優曇花鉢湧詩禪

僧本照號印雲著有杯渡齋詩詞稿

桂林山色繞詩囊五柳家風一瓣香記和東坡枯葉響

輪君白戰聚星堂

陶季壽大令自桂林歸詩益雄瞻會擬聚星堂雪詩搗和余爲欄華

眞氣蟠宵老不降才名楓落冷吳江憐他寫韻簪花格

鏤管銀燈和鐵腔

竟海以近時詩老集見貽偶題其上

高誼論交到死生松陵賜句重傷情焚餘半部畱遺藥

刪訂煩公月旦評

前過吳門謁唐陶山先生蒙賜長句求訂先公遺稿至今尙未寄還

酌酒聯吟夢墨亭桃花春聚舊精靈柳州一片荒陵石

待乞昌黎墓誌銘

陶山先生許題
先公墓碣

少日塗鴉藁半刪紙痕蟲粉墨痕斑未曾識面稱知己

猶有江陵程曉山

江陵程曉山孝廉召於會子余少
作評駁見寄至今尚未接面也

官衙一榻埽懸塵雨載相依感倍真料理狂生到微細

憐才公是冒巢民

懷張竹泉刺史也料理到
微細陳其年壽冒巢民句

四海平生一子由蘭燈闌韻遞吟籌年來半舫齋頭坐

詩向淵明集裏偷

虎癡近有半舫
齋集陶一帳

排空幾字雁飛還千疊愁雲萬疊山湘水無情留不得

春風帶過玉門關

活火銅鐺聽煮茶低簷雙樹綠柯杈尋詩半圓春無賴

吟徧墻根薺菜花

矮子洲邊水泊村環江漁祖又漁孫魚箱夜半浮春水

醉買堆花

酒名

賀狀元

湘江當春漲時漁戶結網爲箱以蓄聚子魚箱魚多者有魚狀元魚

秀才之目

綠波無復盪吟舟如此風光付臥遊兩朶烟鬢青縹渺
過江山色寫儂愁

濯錦坊前賈傅祠楊花一桁雨絲絲長沙自是才人地
今日風流讓阿誰

搔首中天插斗杓鬼輿旁駕柳旗招台符影裏光芒大
處士星明看伍喬

獻賦空聞點不加幾年追悔讀南華山妻一笑鮎緣竹
負我雞燈佐續麻

爨炊無火忍朝饑料峭寒生又典衣寸草有心春浩蕩
幾曾菽水慰慈闈

文章京漢鬱扶輿檄草西南諭蜀書才子從來多好色
茂陵風雨臥相如

我亦揚州杜牧之當筵曾賦比紅兒烟花零落啼鶯老
誰向東風舞柘枝

映牕白醉湧金鑼襖著黃棉曬濕蓑布穀一聲畦水綠

姐郎齊唱種秧歌

湘中秋歌多以姐郎入唱

偶隨裘屐躡重三
襖飲平橋水蔚藍
綠樹人家環水住
滿簾花雨浴紅蠶

差差新翠點牆苔
廿四番風激灑催
細囑闌邊紅芍藥
少留春色莫先開

新愁舊感疊烏絲
官閣吟成祇自知
欲倩雙魚寄同調
銅絃和我嬾春詞

楊花四首

又聽街頭喚賣飴
滿城飛絮過清明
香凝綠水烟無際
淡寫紅橋月有情
拋我春愁難駐馬
攬人離緒約流鶯
尋芳莫踏章臺路
漂泊斜陽了一生

銅鞮飛送一鞭春
攀贈驅駒霄落塵
幾縷花風薰舊夢
十年萍水誤前身
鈎簾心蕩樓頭婦
翦紙魂銷塞外人
欲寫陽關入羌笛
顛狂情態總難真

糝遍長條復短條
白門春盡影蕭蕭
漫天飛雪過三月
滾地香風送六朝
瓊樹難畱妃子步
露株空擺女兒腰
繁華撇眼真如夢
管領興亡舊板橋

過牆無影打隋宮
錦纜牽花霸業空
遮莫棲烏啼夜雨
依然飛燕啄東風
揚婆唱到溟濛處
謝女愁生黯澹中
白滿長堤春萬點
含情捉搦倩兒童

題中州李虞卿

衡一詩集
楚草

瘦頰發奇響蒼茫何處尋峯撐石露骨月墮秋寫心此
意有誰識我情相與深恐君竟焚去洗耳聽擊琴

巴陵李氏雙節詩

洞庭水枯湘水絕竹上之斑洗不滅鬱哉清淑蒸巴陵
隴西高行雙皎潔道逢隴西君爲我從頭說太母鬢髻
纔及笄慘我家公貌如髮欲生欲死兩爲難誓寫柏舟
泣秋月吁嗟海難填况乃天多缺艱難及阿母後先踵
一轍蠢蠢小子文祿中兩母相對神嗚咽畫蘆餐蕨幾
冬春貞石嶙峋屹巖窠蒼筠秀榦磨冰霜鬼神森布鑒
凜烈令我聞言叫咄咄蠟丸淚灑燕山雲羝乳卧啖天

山雪吁嗟乎彼臣節兮此婦節

溱浦李明府自鋤明月種梅花圖

仙吏花園縣蕭然又種梅香中詩客夢紙上美人來碍
白疎扶竹環青暗補苔耒翻明月影宛向廣寒栽

幾生修到此一幀寫寒烟滿地香於雪前身水是仙裁
雲新種植洗月舊因緣想得停鋤處簪花笑問天

勲業憑持鋤心情證養花挂蟾參活相伴鶴老生涯香
國真高隱孤山小住家定知吹鐵笛一嘯踏蒼霞

仙骨留金粟青蓮再度身尋詩香滿樹對影月三人此
境生虛白爲花寫性真囑須添畫我折贈一枝春

前題代汪容川司馬

吾鄉庾嶺梅花國溟濛莫辨枝南北醉中鐵脚梯層雲
笑嚼寒香嚙春色君從何處窺得來粉本半幅春風開
澆花明月漾如水鴉鏡斲碎青莓苔花香衣香雨滉漾
月影人影千衷衷定知一枕羅浮夢霓裳裊襟裾
想君栽花到湘水手把芙蓉佩蘭芷美人香草靈均魂
應有芳心先繪此不爾一棹桃花風武陵紅雨吹船篷
雞犬桑麻課耕績坐使風氣迴厖蒙胡爲覩取癯仙樣
千樹萬樹春駘蕩由來講易見天心怪底譚禪空我相
流水今日月前身冰雪聰明豁塵障練光潑眼白於煙

令我衣袂俱翩然他時來臥梅樹底爲君招鶴西山巔

汪公子

楸檜

岳陽樓雪望圖次陳菴孫解元

世昌

韻二首

去釣洞庭雪纔知此幅工湖光橫白冷樓影界青濛捲
幔天低水環城樹撼風看君吹鐵笛一曲玉瓏聰

繪補希文記徘徊重倚闌此時千屋白天下幾人寒茁
樹冰搓筋粘衣絮翦團中藏憂樂意特獻鯉庭歡

九日次韻會吳春林二首

雪爪經年祇寄籬西風搔鬢倒千卮何人漉酒陪陶令
爲我餐英讀楚辭瘦影吟秋峯疊疊清愁寫夢雨絲絲

題糕記譜龍山會鐵板重翻舊日詞

振衣同嘯沈寥天，振觸前遊意惘然。
拜石三吾梯棧嶮，磨崖一頌揭蒼堅。
生涯笑我仍鷗泛，秋思驚人在雁先。
寄和君詩狂似昔，茱萸醉把訂年年。

一連日塵氛膠轕鬱鬱愁人仍疊前韻東春林二首
紅塵插脚礙藩籬，無當由來似漏卮。
癖有吟魔真可笑，愁如惡客了難辭。
壯懷霜鶻秋摩爪，生事冰蠶夜縛絲。
却掃閉門聊獨坐，開襟再和夢臆詞。

冷雨寒霜養菊天，一罇坐對影迢然。
疎狂迥世客中散，譚笑逢賓戲孟堅。
欲張羸軍終步後，難操勝局與爭先。

烟蘿况負名山約，嫁娶秋風累幾年。

澧陽書院山長陶雲汀編修

澧招譙一葉禪林

繞利墮寒碧，炎風失午天。千竿森翠竹，一葉拜青蓮。太史陶邱長，諸生魯國賢。招邀移飲榼，爲我洗塵緣。

唐竟海偕其楊夫人剝菱聯句依韻奉和

挽鹿諧麇唱，新詩得剝菱。珠排青錯落，玉碎紫嶙嶒。練影浮雙角，奩花晃一層。晚颼涼在水，澹月冷於冰。北渚波初漲，南湖櫂可憑。香牽絲麗毳，秋畏肉觚稜。棘手煙先掬，鈎衣翠半登。雞飛真宛爾，鴛夢記前曾。淬刃清霜滑，森盤綵霧凝。攢頭釘並簇，沁齒貝堪稱。風味淘槐冷。

形模糝黍蒸製仍披絳雪啖不讓紅綾與芡清如友依
蓮淨似僧沙磨留幾斛筒飲佐三升笑我吟懷澀輸君
逸興增蘭閨爲寫韻酬和滿溪藤

彈琴圖爲竟海題

枕石咽流泉清音發自然春生三尺槁風入七條絃得
趣真忘我求心但任天何須滄海外浩蕩訪成連

徐廣文

清選

授經圖

經學久不講小儒事干祿逞逞歌驪駒恣口罵狗曲美
哉城北徐志邁濟南伏啣尾兆三鱸折角嘲五鹿被攬
獨愛冷花開到苜蓿傳家抱一經趨庭立雙玉此中味

至腴無憂飯不足詒謀勝薶金寓意託畫軸亭亭雙桐
陰掩映林牀綠風縑甲乙籤日陳庚子讀說詩真解頤
貯書待曬腹指授何紛紛畫裏聞責督長幼拱而立誦
聲滿墻屋看跨邊經笥壓倒李書麓明經必致用不比
鈔胥錄禹貢治河渠春秋讞疑獄久乃溢奇怪經濟發
簡牘平輿躍二龍他日瞻式穀捲幅爲君歌紅霞舉林
麓

丁卯出關後武陵唐五竹谷

開韶

讌集同人余後

一日始赴書贈此什

木樨香影聚羣仙折柬招邀敞畫筵灑氣夜騰三尺劍

壯懷秋寫七條絃芝蘭舊結風騷契山水新添文字綠
笑我後期牽俗夢霓裳倚聽徧諸天

竹谷以讌集詩見示次韻

讌花宜捉蟹此地少監州霜氣紅侵樹山光綠上樓酒
腸寬舊雨詩骨聳高秋不負平生語逍遙馬少游
我亦馳驅客萍蹤半九州鶯花曾入社吟嘯此登樓劍
氣風霜夜琴心天地秋來探金粟影應勝舊時遊

竹谷歲以六月十三日讌集詩人於武陵涵碧亭
爲家文節公作生辰繪圖索詩

帖垂元祐脚詩衍江西派涪翁起北宋名母蘇米蔡瓜

歷五百年渺難系世代祖德不能述愧我雲初輩尙論
友古人唐衢風瀟灑爲翁作生日六月讌良會火雲燒
肉山洗汗縛冠帶壽以瑤琚詞薦以蘋蘩菜一亭俯涵
碧雅集入圖畫我昔踏春風桃花訪仙界翼然此孤亭
記在西城外樹繞幾株烟吹綠墮衣袂流水小橋灣倒
影瀉飛黛有詩着此境俯拾卽天籟况與古爲徒一瓣
心香在繪勝桃源圖千秋又佳話誰云武陵人但解傳
荒怪披幘尋舊蹤我似來遊再俎豆緬高會低頭悚一

拜

求白雲先生作

名流弄筆滿天下，彊搜故紙摹鍾王先生雅識定武法。
適筋秀賦含堅蒼桃菜，前柳亞析秒忽黜黜點黼森豪。
芒此妙在心不在手，放字落紙心軒昂想其命筆如命。
將鵬弧力拓千鈞，強神酣據案誓決戰駭猊怒兇燒昆。
陽有時東風扇妍媚造化入腕生春光珊瑚天女踏雲。
至萬花散彩雙鴉黃，昨年賜我過秦論軸以翡翠函琳。
琅偶爲同袍攫之去，夢摹十日神癡狂再乞先生示筆。
陣研牋片段凝秋霜，晴簷露洗紅絲硯銀鈎細灑松花。
香學書倘振元祐脚，一頭放出誇門墻肯效饒奴恣大。
嚼朝餐但換屠門羊。

塞上曲 詩牌圖成

北斗夜招搖孤城過雁高短衣馳細柳醉舞赫連刀
霜凋金鑲甲風響鐵胎弓夜戰條河北蕭蕭萬竈空

上廉訪會賓谷先生四首

雲移絳羽照湖湘鼓吹鳴騶駐繡裳粉帳華勛懸白簡
花磚舊秩富青箱宣風和氣容巢鵲式俗威稜憚飲羊
回首平山游讌處歐公佳話徧維揚

淮水霜飛聽煮潮司嵯學士擅清標笙歌絳幕三千客
詩酒紅闌廿四橋

國計挽輸催畫鷁

天書赫濯動華貂文章政事真風雅夙倚南雲望斗杓
題襟閣館集名流圖韻華鐙遞唱酬夜雨鄭莊開廣驛
春風白傅製長裘芳陰徧植甘棠埭香草來吟杜若洲
拜佛萬家歡動地柏臺今見富民侯

觀風藻拔到黃童感激深慙學未工載酒無師臆雪白
和丸有母壁燈紅搜材漫品籠中藥入聽思調爨下桐
十載心香懸一瓣光儀此日拜南豐

柬金子青

學蓮

展圖一笑見新詩迴不猶人出語奇

子青以題畫詩見示語甚奇

水芷蘭來賈誼捲簾花鳥伴徐熙紅添鑪篆留歌袖綠

瀉薇香入硯池弄篋研光忙送似要君醉後潑臙脂

登嶽麓峯望嶽次曾賓谷先生韻

一氣排青蒼嶽色破天展循湘蜿蜒來環抱勢百轉九
疑羅兒孫三楚扼關鍵我公躡其麓眼豁天與遠雲漾
九千丈歛吸車輪輾低笏拱祝融黛落眾峯淺恭聞崇
望秩煌煌紀舜典羲娥鞭跳盪陰陽劃晦顯冠古呵神
碑劫不燬野燹糧貯石廩開旒懸華蓋偃效靈翊

聖朝譬彼王臣蹇鎮離朱鳥翔火德長輝輝荒渺紫虛

君彩鳳翬飛輦焚頂煽愚民百舍忘重趺

湘俗秋後男女雜沓赴嶽

進詎知嶽降神執柄司豐旱觸石潤崇朝神功婉岱賦

允矣南山壽天保歌俾馘臍蠻會公誠萬靈湊一眄

原作

南城會 煥賓谷

衡山自南來天向洞庭展餘勢猶鬱盤湘流此一轉
祝融居處尊門戶謹關鍵雲麓乃初階去天已不遠
手捫長沙星車轄左右輾右俯蒼梧低左臨漢江淺
恭惟南嶽靈亘古崇祀典助順在

昭代神功更丕顯曩者逆藩來七澤熾兵焚維嶽彰
冥誅蚩尤旗盡偃有苗嘗弗率態作夜郎蹇維嶽奮
風雷溪峒懾威燁績當刊禹碑巡不勞舜輦用能感
邦人拜嶽恆累趺

山嶽有拜嶽石

昨余初蒞官煥頗憂旱

牲幣偶告虔甘霖徧疆畎牧民本無術允賴神降戩
雲霧何當開精誠託遙眄

嶽麓寺題壁次賓谷先生韻二首

彌望皆無邊中峯青到天

今寺名中峯

鶴盤松杪上雲盪寺

門前塵劫空流水江山落點烟此來參慧業伴佛契詩
禪

蒼茫倚日邊渾欲問青天碑自留唐後儒空說宋前石
蒸三楚雨松老六朝烟輸與棲雲衲傳燈解證禪

原作

曾燠

倚檻嶽雲邊蒼茫極楚天江山三戶後臺殿六朝前

塢影移湖月鐘聲散浦烟古來騷客意銷釋向枯禪
晚渡湘江次賓谷先生韻

蕭蕭起寒響木葉下前川客思在秋水孤襟開晚烟疎
鐘林塔外遠火驛樓邊涼雁幾時到懷人又渺然

登岳陽樓次賓谷先生韻

層樓跨湖水飛影壓君山曩哲詠觴處古懷憂樂間遠
紅拖日脚空翠亂烟鬟忽聽滄浪曲何人鼓柁閒

原作

曾燠

昔年遊震澤長嘯洞庭山餘氣吞雲夢乘風到此間
軒皇天外樂堯女鏡中鬢駭怨彌終古余懷那得閒

雪望

天地忽同影山川無舊容
酒家在何處此徑有人蹤
折凍鳴枯竹撐寒嘯老松
癡肥來對我失笑屋邊峯

丁卯除夜

如駛華年又轉移數聲寒漏夜
遲遲澆愁有地難賒酒
避債無臺況欠詩澆我素心留
雪影溫人春氣遞梅枝
靛盤罷飲風蕭索立倦巡簷悵所思

賓谷先生西谿漁隱圖

吹綠西堂草東風意黯然

公與伯兄蘇生先生約隱西谿迄繪此圖蘇生先生久下

世矣湖山歸畫藁勲業問漁船
花讌揚州月蘭初楚澤烟

一溪峯七二招夢五雲邊

錄上凡七十二峯

賓谷先生賞雨茅屋圖

讀公茅屋集宗風振典雅浩如春雨施霖漑徧天下輪
囷育羣材造化入鑪冶兩人三日霖庇士萬間夏遐心
托佳繪一堂開綠野宅誅宋玉茅竹陋黃岡瓦素琴卧
花陰流水冷然寫聯峯滃雲氣青峭露紺澗挂瀑石琤
潺環林翠飛灑近隣麻姑源遠結廬山社坐賞發遙吟
新詩定盈把移來淮海雲夜聽湘流瀉我侍座中春快
飲春滿斝

題畫

埽石焚香了淨因
苔花如繡晚涼新
橫琴欲訴秋無語
合住臨邛伴美人

涼雲春送藕花汀
滿徑祠陰一榻青
他日訪秋來小坐
松鑪微雨讀茶經

次韻龔秦百二關

游屐經旬蹋橘林
懷人苦調寫幽陰
四絃疎雨銅琶冷
一穗殘燈竹屋深
作客自憐秋燕影
吟寒同抱草蛩心
蛾眉莫妬瀟湘水
蕙泣蘭愁已到今

弓衣誰與織雞林
偶息塵機學漢陰
遠岫寒雲招夢去
荒庭落葉寫秋深
酒澆阮籍中年淚
劍嘯劉琨半夜心

好語傳來須一笑，焦桐入聽在而今。

來詩

湘潭素關百二

三匝西烏倦繞林，一枝棲月古城陰。
青霜吹戶峭寒早，黃葉打門秋氣深。
駑馬縱無追駿力，飛蓬猶有憶麻心。
凌雲看奏河東賦，三十功名正及今。

有以詩集索評者，不知其人謾題一律。

塵夢輪蹄徧三年，懶作詩磨雲朝倚劍坐。
雨夜圍棋此帙來，新賞斯人似舊知。
英風騰紙出爲我，豁秋思。

明妃曲

妾去胡無兵，妾在邊不寧。
漢月胡沙玉關道，琵琶絃咽。

英雄聲呼韓放馬貳師撤營烽煙夜冷單于庭衛青天
幸生降陵百戰邊功待妾成生死報國國恩厚君王莫
殺毛延壽

二十六灣草廬稿卷四終